

فقه تراجم البخاري | شرح كتاب العلم من صحيح البخاري

الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره وننعواز بالله تعالى من شرور لانفسنا وسینات اعمالنا. من يهد الله تعالى فلا مضل له.

ومن يضل فلا هادي له اشهد ان لا الله الا الله وحده لا شريك له. وشهاد ان محمدًا عبده ورسوله. اما بعد فان - 00:00:00

اصدق الحديث كتاب الله تعالى واحسن الهدى هدي محمد صلى الله عليه واله وسلم. وشر الامور محدثاتها وكل محدثة بدعة. وكل

بدعة ضالة وكل ضالة في النار. اللهم صلي على محمد - 00:00:46

محمد وعلى آل محمد كما صليت على ابراهيم وعلى آل ابراهيم في العالمين انك حميد مجید. وبارك على محمد وعلى آل محمد كما

باركت على ابراهيم وعلى آل ابراهيم. في العالمين انك حميد مجید - 00:01:06

فقبل ان ندخل في كتاب العلم ساذكر مقدمة ضرورية تعتبر من مفاتيح الكتاب. ذلك ان الامام البخاري رحمه الله عنون لاحاديث

كتابه. الاول قسم كتابه الى كتب تب وقسم الكتب الى ابواب - 00:01:26

الوحى كتاب الایمان كتاب العلم كتاب الوضوء كتاب التيمم كتاب الغسل كتاب الحيض كتاب الصلاة مواقف الصلاة الى وهذه الكتب

جعل لها ابوابا متتالية. اللي احنا نسميتها الترجمة. ان هو الترجمة لها ثلاثة اركان - 00:02:06

المترجم والمترجم له والترجمة. دول ثلاثة. المترجم اللي هو كسر الجيم اللي هو مين؟ البخاري صاحب الكتاب والمترجم له النصوص

التي يريدها البخاري تحت الترجمة. والترجمة هي عنوان الباب يبقى انا عندي تلات حاجات. المترجم اللي هو الامام البخاري. المترجم

له اللي هي النصوص - 00:02:36

التي اوردها البخاري يريده الاستدلال بها على حكم او على ادب. ده اسم المترجم له المترجم له تلات حاجات. اما ان يكون قرآنا او ان

يكون حديثا او ان يكون اثرا من عن الصحابة او عن التابعين. يبقى النص - 00:03:27

يريد البخاري اما ان يكون قرآنا زي اول باب في كتاب العلم. باب فضل العلم وقوله تعالى يرفع الله الذين امنوا منكم والذين اوتوا

العلم درجات يبقى النص الذي اورده تحت الباب اية - 00:03:59

وقد لا يرد الا الاية فقط. ويمكن ان يورد اية وحديثا او يورد حديثا فقط بلا اية زي الباب الثاني اه في كتاب العلم اورد فيه حديثا

ولم يولد اية - 00:04:21

النص الثالث ان يورد اثرا عن الصحابة او عن التابعين زي مثلا في كتاب الصلاة قال باب الصلاة خلف المفتون والمبتعد قال الحسن

صل وعليه بدعته واورد فيه قول عثمان رضي الله عنه لما حصر في الفتنة - 00:04:45

ومنعوه من الخروج من داره وسألوه عن هذا الوضع انت امام المسلمين وانت الذي تصلي لهم اماما وقد حبسوك فماذا نفعل؟ قال

الصلاحة احسن اعمال الناس فان احسنوا فاحسنوا معهم. وان اساءوا فتجنبوا اساءتهم - 00:05:21

اهو ده اورد في هذا الباب كلاما لعثمان بن عفان وده ما يسميه العلماء بالحديث الموقف عارفين الاحاديث اما ان يكون مرفوعا وهو

ما ورد فيه قال رسول الله صلى الله عليه وسلم او نسب الى النبي صلى الله عليه وسلم من وصف او فعل او تقرير ده اسمه الايه -

00:05:48

ال الحديث المرفوعة اما قوله واما فعلية واما وصفية واما تقريرية والذى آورد عن الصحابة يسمى موقوفا والذى ورد عن التابعين

يسى مقطوعا الكلام ربما يكون فيه شيء من الاصطدام بس أنا غصب عنى يعني ما احنا داخلين على كتاب كبير - 00:06:09
وهذا الذي اذكره احنا هنمسي عليه في آآ طول الكتاب. فنرجو بس تكونوا مفتحين وآآ واحدين الكلام. يبقى باب الصلاة خلف المفتون
والمبتدع لم يعطي البخاري حكمه او رأيه في المسألة - 00:06:33

باب الصلاة خلف المفتون والمبتدع. يعني ايه؟ جائزه ولا غير جائزه؟ الذي يعرفك رأي البخاري في المسألة ما يريده من النصوص فلما
يقول عن عثمان الصلاة احسن اعمال الناس فان احسنوا فاحسنوا معهم. يعني ان صلوا - 00:06:55

صلوا معه. وان اساءوا اي ترك الصلاة فلا تتبعوهم على هذا. وقول الحسن صلوا عليه بدعته يبقى ده يدل على ان رأي البخاري في
المسألة ايه؟ انه يجوز ان تصلي خلف المفتون والاليه؟ والمبتدع - 00:07:17
يبقى انا عندي اذا النصوص التي يريدها البخاري تحت الترجمة ثلاثة يا اما قرآن يا اما حديثا صحيحا واما اثرا. والاثار لا يشترط فيها
الصحة وان كان اغلبها صحيح ما يجيش واحد يقول طب اللي زي البخاري بولد وآآ اثرا غير صحيح في كتابه المسمى الجمع
الصحيح - 00:07:35

يقول لك ما هو البخاري؟ اولا لم يضع كتابه للاثار انما وضعه للحديث الموصول مسند. فاحنا بنحاسبه على الحديث المسند الذي قال
فيه حدثني فلان قال حدثني فلان قال حدثني فلان - 00:08:05

ما اورده باسناده ده اللي ينحاسب البخاري عليه انما عندما يحذف الاسناد قال الحسن صلوا عليه بدعة. اين الاسناد الى الحسن؟ ده
يسمى بقى الحديث المعلق اي حديث بلا اسناد - 00:08:23

يسمى حديثا معلقا خلاص؟ اي حديث بلا اسناد. يعني انا دلوقتي لما اقول قال رسول الله صلى الله عليه وسلم ده في الشكل معلق
بس احنا بالنسبة لنا احنا لان اللي صنع في الاسناد انتهت وما عدش حد بيروي بالاسناد طالت الاسناد جدا وبقت مسألة شرفية فقط
ليس لها اي حكم - 00:08:45

الا شرف الحصول على الاسناد بس انما تصحيح وتضعيف انتهى القصة. انتهت القصة دي من زمان. القرن الرابع كده يعني اوائل القرن
الرابع الهجري او نصه كده انتهت قصة ان الاسناد يحكم عليه بالصحة او بالضعف - 00:09:10

ليه؟ لان في القرن الرابع كان الكتب صنفت والاجزاء اتكتبت وكل واحد بيروي الحديث باسناده يصل كتاب ما بيجبش الاسناد من
افواه الرواة زي البخاري كده. لأ يعني البيهقي مثلا - 00:09:31

ما عندوش اسناد آآ خالص كده ما فيش حد قاله قبله. لأ لازم يصل لابد ان يصل الى كتابه او الى جزء حديثي فالعبرة في هذه الحالة
بثبتوت الجزء الى صاحبه - 00:09:52

يعنى جزء مسلا ابن ديزيل ابراهيم اسمه ابراهيم ابن ديزيد. داء البيهقي يصلوا مسلا باتنين حدثنا فلان عن فلان ويقوم جايب يواصل
لابن ديزيت. مين اللي انا ابتدى احاسبه على الاسناد صحيح ولا ضعيف - 00:10:07

معاد ابن زيزيل مش من شيخ البيهقي ولا الشیخ شیخه خلاص بقى العبرة في بثبوت الجزء الى صاحبه. مش برواية البيهقي فضلا
عن انك انت تنزل تحت بقى تنزل تحت كل ما تنزل تحت الاسناد يطول. فكل حديث لا يذكر فيه الاسناد ایام الاسناد - 00:10:25
اسم معلق. واحنا النهاردة لو قلنا قال رسول الله صلى الله عليه وسلم نورته صورة المعلق لكن ما لوش حكم المعلق لان انا دلوقتي
باجيب حديث في قل روى البخاري عن ابى هريرة رضي الله عنه عن النبى صلى الله عليه وسلم قال كذا - 00:10:47

ودي شكلها شكل المعلق بس لا يأخذ حكم الاليه؟ المعلق. اذا النصوص اللي البخاري بيستدل بها قرآن حديث اثر ممكنا يكتفي بواحدة
من التلاتة دول وممكن يجيب اتنين وممكن يجيدهم كلهم. يأتي باية ويأتي بحديث ويأتي بكلام لايه؟ للصحابة او التابعين -
00:11:03

ده اللي هو الاحاديث او النصوص دي يسمى المترجم له الترجمة بقى اللي هي الكلام نفسه التبويب باب فضل العلم. دي اسمها
الترجمة. والترجمة هي كما هو معروف نقل لغة الى لغة - 00:11:24

وده المعنى دارج عندنا. ترجم من عربي الانجليزي ومن فرنساوي لروسي ومن الماني لطلياني. دي اسمها ترجمة ان تعرب عن لغة بلغة

آخرى والترجمة هي الافصاح والاعراب والابانة. عشان كده سير العلماء بنسمتها ايه - [00:11:47](#)

ترجمات يقول لك ترجمات العلماء. ليه؟ لأنك انت تظهر اسمه ونسبه وآآآ طلبه للعلم اساتذته تلامذته المحننة كل ما يتعلق بالشخص انت تظاهره للناس كده اسمها ايه؟ ترجمة. فالترجمة والاعراب والابانة - [00:12:11](#)

خلاص ده التلات اركان عشان البخاري كتابه كله ترجم. فيبقى احنا عارفين الباب المعنى اللي البخاري بيحطه من عنده. ده اسمه ترجمة وهو اسمه المترجم. والنصوص الواردة تحت الترجمة دي اسمها ايه - [00:12:33](#)

ترجموا ايه؟ له. جميل. طيب من جهة بقى صحة الترجمة صحة الترجمة. ممكن الترجمة تكون غلط ازاي رجل يأتي بنص ولا علاقة للتبويب بالكلام يعني مسلا لو قلنا حديث عثمان الاثر بتاع عثمان بن عفان. الصلاة احسن اعمال الناس - [00:12:52](#)
فان احسنوا فاحسنوا معهم وان اساءوا تجنبوا اساءتهم. لو جيت انت قلت ايه باب في وجوب الزكاة وحططت الكلام ده. ده كلام صحيح ليه؟ ما فيش علاقة بالموضوع. ده التبويب في وادي والنصل اللي تحته في وادي اخر. مسلا - [00:13:29](#)

لو قلت مسلا باب كنت خيري ولدي ادم. ولد ادم وجبت مسلا نص زي ده يوم الافتخار اي العلاقة اللي بينهم لابد ان يكون بين الترجمة وبين النص لابد ان يكون فيه علاقة - [00:13:57](#)

ودي بيسموها المناسبة. او المطابقة المطابقة دي ده بقى اللي حيرت كثير من العلماء في كتاب البخاري حتى ان بعض العلماء انتقد البخاري في بعض ترجماته وقال لك انا مش فاهم البخاري يترجم كده ليه - [00:14:15](#)

عشان كده في الترجمة من جهة الادراك اما ان تكون جلية اما ان تكون خفية الترجمة الجلية ان يترجم بنفس الحديث. او بحديث اخر. يعني في كتاب الرقاد. قال قال البخاري باب - [00:14:37](#)

قول النبي صلى الله عليه وسلم كن في الدنيا كأنك غريب او عابر سبيل وبعدين اورد فيه حديث ابن عمر ان النبي عليه الصلاة والسلام اخذ ببعض جسده وقال كن في الدنيا كأنك غريب او عابر ايه - [00:15:04](#)

عمرو السبيل دي ترجمة ظاهرة ظاهرة يعني لا تحتاج الى ايه الى اعمال فكر ودي ليست كثيرة في البخاري. طائفة لا بأس بها ليست ليست كثيرة الالغب عند البخاري ان تكون الترجمة الخفية - [00:15:19](#)

وده اللي خلى بعض العلماء يقول لك زي ابو الوليد الباقي مثلا يقول يسلم للبخاري في الحديث ولا يسلم له في الفقه وده طبعا آآآا يوافق ابو الوليد الباقي على هذا اطلاقا - [00:15:41](#)

ابو الوليد ما يعني تعظيمنا لابي الوليد واحترامنا له وهو احد علماء الاندلس الكبار وهو الذي اوقف زحف ابن حزم على حساب المالكية في الاندلس عارف ابن حزم ده يعني كان علماء المالكية في الاندلس لوحده - [00:15:58](#)

وكان رجلا جدلا صاحب جدل وصاحب مناظرة. ما كان يثبت او ما كاد يثبت له احد من علماء المالكية لحد ما ابو الوليد الباقي رجع من المشرق الى المغرب راجع بلدته يعني - [00:16:17](#)

فلقى الدنيا كده رايح وابن حزم واكل الجو كله وقف له بقى وقف له. لأن كان مع ابن حزم اندماز رفيقه ابن عبدالبر وابن عبدالبر كان ظاهريا في الاول. ابن حزم اسر عليه. وانت عارف ان عبدالبر ده حاجة فخمة او ي يعني. يعني يعتبر من قبة علماء المالكية في - [00:16:35](#)

مانع بل علماء الاسلام يعني. فابن حزم اسر عليه. اسر على ابن عبدالبر. فصار ظاهريا. وبعدين ابن عبدالبر لما استوت زكاته عاد بقى الى ليه؟ عاد الى الترجيح العلمي على حسب الاصول. وبرغم انه مالكي لكن كثيرا ما يرجح اراء الشافعية - [00:17:00](#)

في المسألة جاء ابو الوليد الباقي من المشرق وللمشرق هو اللي كان فيه اكثر العلماء. والمشرق من الشروق والمغرب من الغروب فاللي يعيش في المغرب يدفن. حد فيكم يعرف حد من علماء المغرب من اول ليبيا لحد موريتانيا؟ الا يعني ها واحد كده جاء المشهد - [00:17:20](#)

لازم يكون جاء المشرق. انما من اول ليبيا لحد موريتانيا احنا كمشارقة لا نعرف كثيرا من الناس برغم ان فيهم فحول العلماء يعني فيهم من يفضل كل علماء المشرق. بس ما نعرفش عنهم حاجة - [00:17:46](#)

فابو الوليد جه المشرق وبعدين لما رجع بقى كان حصل بقى علوم اهل المشرق وبعدين محصل علوم اهل المغرب بطبيعة الحال فوفق لمين وقف لابن حزم رحمة الله عليه ومرشود لابي الوليد الباري بالفقه. حتى ابن حزم نفسه. شهد لابي الوليد بالعلم. هذا -

00:18:05

الرجل الكبير الفحل الفقيه دهوه يقول لا يسلم للبخاري في الفقه طبعا الكلام ده منقوب وسائر العلماء على خلاف هذا. حتى قال الحاكم النيسابوري ترجم البخاري حيرت العقول لي لدقة فهمه وفقهه. يعني مثلا لما يقول - 00:18:25

اثنان فما فوقهما جماعة باب اثنان فما فوقهما جماعة. ده اللفظ ده لفظ حديث لكنه حديث ضعيف عشان برضو نعرف ان البخاري قد بیوب بلفظ حديث ضعيف لم يرده كرواية. اثنان فما فوقهما جماعة. ده حديث فعلا لكنه ضعيف. اورد فيه حديث ما لك بن الحويرث - 00:18:51

لما ذهب مالك ابن الحويرث الى النبي صلى الله عليه وسلم هو واثنين ثلاثة كده وظلوا عند النبي عليه الصلة والسلام بضعة ايام او اسابيع قال ما لك وظن النبي صلى الله عليه وسلم ان اشتقتنا الى - 00:19:23

اهلا فقال وهم راجعين بقى الزنا واقيما ولبؤمكما اكبر كما اي علاقه التبويب الحديث اثنان فما فوقهما جماعة ده من ناحية العدد. يعني العدد الجماعة تبقى اثنين بدها من اثنين ولا بدها من ثلاثة - 00:19:44

يعني لما نيجي نقول مفرد وجمع. المفرد واحد تمام؟ والجمع بيتدى من ثلاثة ولا بيتدى من اثنين؟ ثلاثة طب خدنا الثلاثة دي منين؟ كلمة ثلاثة فما فوقهما. ادي عندي اثنين - 00:20:20

فما فوقهم اول ما فوقهما ايه ؟ الثلاثة. جميل. طب الحديث بيقول لك الزنا واقيما اثنين مع انه قال فما فوقهما هو ده بقى اللي بيخلني ناس يعترضوا على البخاري - 00:20:50

لان تكون الترجمة غامضة تحتاج الى نوع من التفكير والتأمل عشان توصل لمراد البخاري والمسألة دي والا انا عندما اشوف المسألة كده اقول لك مم الترجمة غير مطابقة لان هم اثنين. خلاص - 00:21:15

العلماء بقى اللي هم يغوصوا بقى يشوفوا مراد البخاري قال لك ما هو اصل لو القصد الصلة بس لا قال الزنا واقيم وصليا فهذا يدل على ان هناك فرق. لو ان صلاة المنفرد زي صلاة الجمع كان قال صل لي وخلاص. كلمة صلية لا يشترط فيها الجماعة - 00:21:35 انهم يصلوا واحد امام والثاني يكون وراه فده فيه نوع من الايه؟ فيه نوع من الغموض. استفينا منه ان اول الجمع ثلاثة. عند البخاري ليه دي مسلا سلف اصول الفقه العلماء مختلفين فيها. اختلافا طويلا - 00:22:00

يقول مثلا باب صلاة النهار مثنى مثنى ويورد حديث الاستخاراة حديث جابر اذا هم احدهم بالامر فليركع ركعتين من غير فريضة طب هو لما قال كده طب ما هو ده كلام واضح اهو - 00:22:18

يصلبي بالنهار لو حب يتطوع يصلبي ركعتين ايه الاشكال يعني؟ ترجمة للماء بالماء لا هو يقصد يرد على الحنفية الذين يقولون ان التطوع بالنهار يكون اربعنا. مش اثنين. طبعا الحنفية لهم مستند - 00:22:49

وهو حديث ابن عمر في رواية علي ابن عبدالله البارقي الحديث المشهور صلاة الليل مثنى مثنى فان خشيت الصبح فواحدة مثنى مثنى يعني تصلي بالليل وتسلم. وبعدين ركعتين وتسلم. وركعتين وتسلم. وتفضل ماشي كده - 00:23:13

فجأة بتبعص في الساعة لقيت فاضل دقائقين. وال مجر يدن ما تصليش بقى ركعتين. صل واحدة بس. لان الصبح داخل عليك يبقى صلاة الليل مثنى اثنين وتسنم. فان خشيت الصبح ان يدركك الصبح يؤذن عليك وانت بتصلب الركعتين. يبقى خلاص دخل ايه؟ صلي - 00:23:33

واوتر بايه؟ اوتر صلاتك ده اللفظ المشهور الذي رواه عن ابن عمر حوالي خمسة وعشرين تابعي. صلاة الليل مثنى جاء علي بن عبدالله البارقي وحده فروى الحديث عن ابن عمر صلاة الليل والنهر - 00:23:53

مثنى مثنى طب ما هو الحديث طبعا كلمة النار شازة لا تصح. في الحديث ده وكان ابن عمر اذا صلى بالنهار صلى اربعنا يبقى لما يتطوع يجيب اربعة اما اربعة على بعضهم واما اربعة زي الضهر كده - 00:24:16

المهم ما يسلمش الا في اخر ايه الركعة الرابعة. فالحنفية يقولون او يستحبون يعني ان يكون صلاة اربعا. البخاري لا يرى هذا في يومي يعمل التبوب ده. فاحيانا بيوب تبوبات يرد بها على بعض المذاهب الاخرى - [00:24:41](#)

لا سيما يعني الحنفية موقفهم من البخاري مش موقف جميل يعني. ما يحبوش البخاري. فيما يتعلق بالفقه قيل انه تصدى للرد عليهم وعلى ابي حنيفة وصاحبيه خصوصا. وزكى آآ يعني آآ ليس في كتاب العلم لكن في الفقه عموما يقول وقال بعض - [00:25:03](#) اول ما تلاقي وقال بعضهم في الترجمة بتاع البخاري تعرف انه يقصد مين؟ يقصد ابا حنيفة او يقصد صاحبيه او احد صاحببئ يعني تمام؟ من الترجم الغامضة والبخاري زي ما اقول لك كتبه كلها بالشفرة. انا باستغرب اللي بيدخل في صحيح البخاري وبيعترض عليه والكلام ده. كل كتبه تاريخ كده - [00:25:26](#)

انا قلت لكم قبل كده. وانا بذكر مصنفات البخاري. تاريخ كبير شفرة كله الصحيح اكثر ترجم البخاري غير مباشرة مسلا في كتاب المواقف في باب من ادرك سجدة من العصر - [00:25:51](#)

قبل غروب الشمس يعني اورد فيه ثلاثة احاديث. حديث ابي هريرة من ادرك سجدة من العصر قبل ان تغرب الشمس قد ادرك وحديث ابن عمر انما بقاوكم فيما سلف قبلكم من الامم - [00:26:16](#)

كمثل صلاة العصر الى صلاة المغرب اوتي اهل التوراة التوراة. فعملوا حتى اذا انتصف النهار تركوا العمل وقالوا لا حاجة لنا في اجرك واوتي من صلاة الایه؟ من صلاة الظهر الى العصر. والنصارى اوتي اهل الانجيل فعملوا - [00:26:32](#)

صلاه العصر الى المغرب واوتينا القرآن فاخذوا اجر الفريقين جميعا طيب حديث ابي هريرة الاولاني مباشر باب من ادرك سجدة من العصر. بس كده ادرك ولا ما ادركش ايه اللي اعرفك انه ادرك - [00:27:00](#)

اول حديث في الباب حديث ابي هريرة من ادرك سجدة من العصر قبل ان تغرب الشمس فقد ادرك طب ده ماشي الحديسين اللي بعد كده ايه علاقته بالتبوب انما بقاوكم فيما سلف قبلكم من الامم - [00:27:26](#)

كما بين صلاة العصر الى غروب الشمس. وحديث ابي موسى الاشعري ان رجلا استأجر اجراء استأجر جماعة يعملون مسلا من الظهر الى عصر وجماعة يعملون من العصر الى المغرب وجماعة من المغرب للعشاء مسلا - [00:27:49](#)

يبقى التلاتة مش متساوين واتفق انه يعطي لكل آآ طائفة اجرا ما تشتفلي من الضهر للعصر بمية جنيه مسلا ومن العصر المغرب مية جنيه ومن المغرب للعشاء بخمسين جنيه فلما - [00:28:11](#)

بدأ يدي لهم الاجور بصوا لمين للثالث اللي استغل ساعة وتلت. ده يستغل تلات ساعات وده تلات ساعات مسلا او اقل وده يستغل ساعة وتلت. ادى لكل واحد ميت جنيه - [00:28:31](#)

للاخير خالص خمسين جنيه. فاعتراضوا قالوا ان احنا اكتر اجرا اكتر علما منهم واقل اجرا قال لهم والله ده فلوسي. انا حر ادي بقى لدول كتير ادي لدول شوية انت ايه دخلك؟ انا قلت لك من الضهر للعصر مبلغ معين. رضيت واستغلت - [00:28:47](#)

كوني بقى اديت لي ده استغل ساعة واحدة ادته خمسين جنيه انت ايه دخلك الموضوع؟ الطائفة الاولى اهل التوراة. اليهود. الطائفة الثانية اهل الانجيل. والطائفة الثالثة المسلمين قال الله عز وجل هل ظلمتكم من اجوركم شيئا؟ قالوا لا. قال فذلك فضلي اوتيه من اشاء - [00:29:08](#)

الحاديس ده ايه علاقته بالترجمة ان الله تبارك وتعالى تفضل على هذه الامة. لان العدل انك انت اذا دركت ركعة من العصر وانت بعد ما ركعت تقول سمع الله لمن حمده - [00:29:30](#)

ادن المغرب يبقى التلات ركعات بتوع العصر انت ستوقعهم في الوقت ولا خارج الوقت. المفروض اللي تصليه خارج الوقت ما تاخدش اجره لان الله عز وجل قال ان الصلاة كانت على المؤمنين كتابا موقوتا. انت عارف العادات - [00:29:48](#)

تلات انواع موقوت الاول والآخر موقوت الاول مفتوح الآخر موقوت الاول والآخر زي الصلاة زي الحج زي الصيام خلاص؟ دي لها وقت اول ولها وقت ايه؟ وقت اخر - [00:30:08](#)

اللي مؤقتة في الاول ومفتوحة في الآخر الزكاة اذا حال الحال يجب عليك اخراج الایه؟ الزكاة. افترض ما تطلعش زكاة يبقى خلاص

عدت السنة عدت لأ يقول لك الزكاة لا تسقط بالتقادم - [00:30:32](#)

لان الزكاة في المال والذمة اذا كان ملك راح وما زكتش بيقى الزكاة في زمتك. لازم تطلعها مش اذا المال راح خلاص بيقى خلاص اذا ما فيش زكاة لأ. بيقى الزكاة موقوتة الاول مفتوحة الایه - [00:30:51](#)

مفتوحة الاخر اللي مفتوح من الاول والاخر الذكر ده ما لوش وقت اول ولا له وقت اخر. منين ما تذكر الله سبحانه وتعالى بيقى الایه؟ يجزئك هذا. بيقى العبادات على الایه؟ على التلات حاجات دول - [00:31:08](#)

فقوله تعالى ان الصلاة كانت على المؤمنين كتابا موقوتا بيقى وقت العصر بينته باذان الایه؟ المغرب. انا لحقت ركعة في وقت العصر وتلات ركعات بقوا في وقت الایه؟ المغرب. المفروض يا اما اخذ اجر ركعة واحدة - [00:31:24](#)

واحاسب على التلات ركعات اللي انا اوقعتهم في غير الوقت او ان تترد علي العبادة فتفضل الله عز وجل على هذه الامة من باب رفع الاصر عنها الذي وضعه على اهل الكتاب من قبلنا - [00:31:42](#)

وقال لك اذا ادركت ركعة في العصر انا هادي لك التلاتة اللي وقعوا في غير وقت العصر سأهفهم لك خلاص. بيقى البخاري عندما اورد هذا الحديث مش ما لوش علاقه بالترجمة - [00:32:01](#)

لاراد مع بيان الاجزاء ان بيدين فضل الله عز وجل على هذه الامة فيبقى المعنى المباشر جاء في الحديث الاولاني والمعنى غير المباشر الجميل اللي انا اظهرته ده انما ظهر في حديث ابن عمر وحديث ابي موسى الاشعري اللي هو ايه - [00:32:19](#)

اوردها بعد حديث ابي هريرة اه ده الترجمة من جهة ادراها اما ان تكون جلية واضحة خلاص. واما ان تكون خفيا. اغلب ترجم البخاري خفية. عايزه اجتهاد وشغل. وهيمه بنا الحقيقة - [00:32:37](#)

اه يعني اه كثير من هذا. يعني مثلا باب فضل العلم. اول اول اه ترجمة في كتاب العلم. وبعدين قول الله تعالى يرفع الله الذين امنوا منكم والذين اوتوا العلم درجات - [00:32:59](#)

الترجمة مباشرة ولا لا ظاهرة ولا خفية؟ ظاهرة. طيب. تاني ترجمة. بدأ البخاري يشتغل كان اول ترجمة كانت ايه كانت ظاهرة وكانت مباشرة تاني ترجمة على طول في كتاب البخاري. اهو هات لي الفتة. ده الفتح. ما شاء الله. اصل نسخة الفتح انا يعني شغال - [00:33:13](#)

البخاري من فتح الوادي فيعني افتح كده على طول اقوم جايب الایه الصفحة. ايدي خدت على على كتاب العلم. شوف تاني باب بيقول لك ايه باب من سئل علما وهو مشتغل في حديثه فاتم حديثه ثم اجاب السلام - [00:33:46](#)

خلاص انا عايزكم على فكرة وانت معن في صحيح البخاري تفتحه. ما يجييش واحد ينام على ودنه اللي هيحس انه نام ينزل يتوضى وييجي زي ما قلت لكم اغلب ترجمة البخاري خفية - [00:34:16](#)

واحنا عايزين نتدرن على الكتاب عشان نعرف عزمه الكتاب ونخرق عين اللي يتكلم في البخاري. ماشي باب من سئل علما وهو مشتغل في حديثه فاتم حديثه ثم اجاب السائل. اورد تحته حديث ابي هريرة - [00:34:32](#)

بينما النبي صلى الله عليه وسلم في مجلس من المجالس يحدث اصحابه اذ جاء اعرابي فقال متى الساعة؟ فمضى رسول الله صلى الله عليه وسلم يحدث وبعدين قال اين السائل عن الساعة؟ - [00:34:56](#)

قال هو انداك خلاص الصحابة اختلفوا لما الرسول صلى الله عليه وسلم لم يجب ولم يكن من عادته ان يهمل احدا. اي حد يسأله يجاوب على طول لأن ترك اجابته فيه نوع من الایه من الاعراض - [00:35:16](#)

فده فقال جماعة سمع ما قال فكره ما قال وقال اخرون من لم يسمع الذين قالوا سمع ما قال فكره ما قال. لأن السؤال ليس له فائدة متى الساعة؟ جاية ما تقلقش. خلاص؟ انت ما تسائلش عن كده. انما ينبغي - [00:35:35](#)

للعالم اذا السائل سأل السؤال خطأ ان يصحح له سؤاله قبل ان يجيب لأن السؤال نصف العلم العلم هو عبارة عن سؤال وجواب فلما يكون النصف الاولاني غلط لا اصحح له لو. لما في حديث انس جاء رجل قال للنبي صلى الله عليه وسلم متى الساعة؟ - [00:36:07](#)

قال وما اعددت لها؟ هو ده اللي ينبغي انك تشتبغل به. مش تقول ايه متى الساعة؟ لأ جاية لكن انت عملت ايه للساعة التي ستأتي؟

فيقوم يصحح كأنه قال سؤالك لا فائدة فيه بل الفائدة التي ينبغي ان تبحث عنها ما - 00:36:31

اذا اعددت الرسالة. عشان كده ايه الاعراب كان دايما عشان لم يلازمه النبي صلى الله عليه وسلم فما كانوش بيسألوا صح. اللي هي يرد على باله ويسأل على طول فيه. وده اعرابي كما ورد في الحديث - 00:36:47

وجماعة اخرون لانهم يعلمون ان النبي صلى الله عليه وسلم كان يعني قبة حسن الخلق وما كان يعني يعرض عن احد قال لك ده ما سمعش بعد النبي صلى الله عليه وسلم ما كمل الكلام بتاعه سأل ايه اين السائل عن الساعة؟ قال هو انداك يا رسول الله - 00:37:01

قال اذا ضيغت الامانة انتظر الساعة قال وكيف اضاعتها؟ قال اذا وسد الامر الى غير اهله فانتظر الساعة. راجل طول عمره مسلا زابط في الجيش اجي امسكه محافظة سياسة الناس غير سياسة الجنود - 00:37:19

سياسة العامة مشكلة كبيرة جدا عامل الناس كلها على اختلاف امزجتها واختلاف مذاهبتها انما زابط الجيش وارجو ان ما فيش حد انا باقديح في في صفة الجيش يعني. زابط الجيش - 00:37:55

اتعود على نمط معين من الادارة اللي فوق يقول له افعل يقول حاضر ليس له خيار الا هذا عشان كده انا شفت كثير منهم لما خرجوا من الحياة العسكرية وبدأوا يشتغلوا في التجارة والكلام ده كثير منهم فشل - 00:38:15

ليه؟ مش عارف يسوس الناس تجارة لها انت بتعامل بشر. بشر مختلفون بعضهم كالسباع والذئاب وبعضهم زي الغزاله والزرافه والنعامة في كل الاخلاق فانا لما احب ان انا اجيبي واحد ليحكم بلدا - 00:38:39

او يحكم محافظة او يكون مدير شركة لازم ياخذ دورات في الادارة لازم يستخدم التعريض عشان يرضي الناس اللي حواليه مش بالباطل لكن زي مسلا واحد لها بيجي لعمر بن الخطاب - 00:38:59

زعلان واحد قال له ايه خلي المكارم لا تسعى لبغيتها. واقعد فانك انت الطاعم الكاسي. اقعد يا اخوياب لبط في الخط. هو انت بتاع مكارم ولا بتاع اخلاق ولا بتاع الكلام ده؟ انت بس - 00:39:16

بيقول لك تطفح وخلاص هو ده معنى الایه ؟ معنى البيت خلي المكارم لا تسعى لبغيتها واقعد. فانك انت الطاعم الكاسي. يأكلوك يشربوك وانت قاعد كده تمل. ما لكش شغالانة - 00:39:31

طبعا دي حالة زعل ولا لأ طبعا حاجة تزعل خد بعضه وراح لعمر بن الخطاب قال له فلان الفلانى شتمني وقال لي كزا كزا يرضيك؟ قال له وما غاية شغل الناس - 00:39:48

كل الناس عمالين يجرروا ويشتغلوا ومش عارف ايه عشان يعملوا ايه؟ عشان يأكل ويلبس ها قال له جعلك طاعما كاسيا وهذا غاية شغل الناس. كل الدنيا بتشتغل عشان ايه عشان يأكلوا عيش - 00:40:04

وعشان يلبس كده ويركب عربية ومش عارف ايه والكلام ده ده انت ملك هو مين اللي بيأكلوه ويشربوه وطفحوه كده على الجاهز! مش الملوك! ها! يبقى عمر بن الخطاب قلها - 00:40:20

فمن ذنب الى ايه؟ الى مدح الدنيا كده سياسة الخلق انما تكون هكذا بخلاف الادارة الادارة ده حاجة وسياسة تخلق شيء اخر. والذى فتح الله عز وجل عليه هو اللي يقدر يجيبي يجمع بين الاثنين. عمر بن الخطاب جمع بينهما - 00:40:35

ادارة كان ادارة ما تخرش الماية. ليه؟ لانه كان رجلا عادلا وكان مت伤افيا عن الدنيا. وما كانش طمعان في حد وفي الحديث عليك باللياس مما في ايدي الناس ده هو العز. اذا اردت ان تعيش عزيزا طيلة عمرك ما تبصش حاجة في ايدين حد - 00:40:57

ابدا لان ايه اللي بيخليك تطاطي واحيانا تتجاوز المساء دي ويصل الى درجة النفاق والكلام ده. انك انت عايز حاجة لكنك لو كنت مستغنية تكون عزيزا ولله در سفيان الثوري - 00:41:28

لما قال من استطاع ان يعيش بالخبز والملح لم يستبعده احد لان السجن قصاري دخلك السجن فيه فول. احلى من الملح لو وحده فانت هتدخل السجن هتأكل طالما ما تفرقش عندك ان البرش من السرير وافريش عندك الفول المسووس ولا السوس المفول على رش الكشك الله يرحمه - 00:41:46

العسل الابيض اللي بقى اسود مع طول المقام ما يفرقش معك هتعيش طول عزيزة. ما تفرقش معك فانا عايز اقول سياسة الخلق

تحتاج الى دربة تحتاج الى ممارسة تحتاج الى حلم الى سخاء لها مواصفات معينة - [00:42:15](#)

فاما انا جبتبني ادم ناجح في مكاني عسكري ممتاز يحط خطط واه يعني عنده استراتيجيات رائعة جدا جدا اه احطه في مكانه ده ينتج ويطلع لكن ما يجيبوش خليه محافز - [00:42:34](#)

دي سكة تانية خالص. محافز بقى يبقى انا اعمل حاجة اسمها اعداد القادة مراكز اعداد القادة احنا عندنا لافتات بس زي في الدق يزن او الونسين مبني ضخم كده عليه يافطة تخرق العين كده مركز اعداد القادة هم فين بقى ان شاء الله - [00:42:52](#)

ما فيش فالافتراض انا لما اكون انا لو دولة ناجحة بتفهم يعني انا عارف ان انا لابد ان انا اختار محافزين يسوس الناس في هذا المعهد ادخل بقى مجموعة من الناس اللي انا انتقىهم وادرس لهم كيف يعاملون الناس - [00:43:10](#)

بعد ما يتدرّب من هو الصغير كده لحد ما يكبر اختار منهم عندي خمسين ستين واحد انتقى منهم. ده ينفع في المكان الفلاني وده ينفع في المكان الفلاني القاهرة غير كفر الشيخ - [00:43:31](#)

قاهرة دي عايزه واحد له مواصفات معينة لناس جم من بلاده شتى لا يربطهم رابط انما محافظة كفر الشيخ دي ارياف اغلب الناس يعرفوا بعضهم ولها منظومة فكرية معينة القاهرة - [00:43:48](#)

مثلاً بلد ضخمة جداً فيها كل ما يمكن ان يخطر على بالك من الصفات. هنا في الاقاليم اللي بيسموها الاقاليم يعني الناس يراعون المزومات الاخلاقية اكتر من المدن الكبيرة يعني العيب يظهر عندنا ما يظهر في القاهرة - [00:44:13](#)

اقوم احاط القاهرة واحد ينفع الناس. في الطراز ده. ما انا فايتهم بقى واحاط هنا محافز ينفع لهذا الطراز لكن احنا ما عندناش هذا الفكر اطلاقاً. خلاص شال واحد حط واحد - [00:44:36](#)

فاما وسد الامر الى غيره ببقى ضيّعت الامانة خلاص؟ التبويب ايه علاقته بقى بالحدىس هو كائن البخاري ترجم للحالة بتاعة الحديث نفسه النبي صلى الله عليه وسلم كان يتحدث وبعدين آآ الراجل آآ العربي سأله - [00:44:53](#)

كم كلامه بعد ما كمل كلامه قال فين الاعرابي؟ نسأل عن ايه؟ قال له كذا ايه علاقة الایه؟ التبويب بالحديث. هم، الایه ما طبعاً هي خفية قطعاً. عشان كده انا قلت لك اول ترجمة في كتاب العلم ظاهرة الوش في الوش - [00:45:17](#)

ظاهرة. تاني ترجمة خفية. واغلب ترجمات البخاري زي ما قلت لكم ايه في هذا الخفاء خلاص. اقول لكم البخاري ها ماشي يعني ايه القصة دي؟ عايز احاط لها عنوان قال رسول الله - [00:45:43](#)

اه مضى في حديث مشي ما هو ده البخاري ما بويش على دي شوف باب فضل العلم. هنتكلم عن فضل العلم لما نيجي نشرح الایه؟ الباب الاولاني. بعد ما قلت لكم فضل العلم - [00:46:10](#)

كلكم عايزين تبقوا ايه؟ علماء طيب عايز تبقى عالم؟ قبل ما تبقى عالم لازم تبقى مؤدب عشان العلم ينفعك. بقى بعد ما نفسك اتفتحت وعايز تبقى عالم نبدي نذكر ادب طالب العلم. هو ده التبويب. ادب طالب العلم - [00:46:26](#)

معاملة الشيخ ومعاملة الشيخ له طيب هل من اللائق بالطالب اذا رأى الشيخ يتكلم يقاطعه ما يقاطعوشن بس ده قطعه لانه اعرابي بقى اذا جاء طالب طالب للعلم لم يتأدب بادب العالم بادب طالب العلم - [00:46:58](#)

ينبغي للأستاذ ان يتتجاوز عنه ما يعنفوشن ولا يشتموا ولا يحرجوها بقى فيه ادب مطلوبة من الطالب واداب مطلوبة من الاستاذ في بعض الاساتيذ ينفرون الطالب من العلم كله يكرهوه في الدنيا - [00:47:32](#)

مشينا فاروم العلم كروه من الدنيا كلها ليه؟ بسبب الجفاء والغلظة وده يعني حاجة هنف عندها آآ برضو شوية. بالنسبة للأستاذ الاستاذ احدهم وظائفه يحب الناس في الفن بتاعه - [00:47:55](#)

والا لو جه كل واحد هو نظر الى نفسه كأستاذ والطالب طالب ودخل في الدخلة دي حافر. انت ادخل الدخلة دي الصعبه يعني مع من اعلم اني اذا اشتدت عليه رابط في مكانه. ما تأثرش - [00:48:19](#)

ويمكن سمعتوني كتيراً انا اتكلم عن الاعمش وعن ابي بكر ابن عياش وعن يحيى ابن معين وشدهم احياناً على الطلبة يعني ابن معين لما جا له واحد قال له يا ابا زكريا اريد ان تحدثني حديثاً اذكرك به - [00:48:41](#)

وجاي له ايه؟ جاي له من سفر وما صدق شافه قال له ايه قال اذكرني اذ طلبت مني فلم افعل مش انت عايز زكرى وخلاص خلاص
اعمل فيك مالك تاني - 00:49:02

طالما ان ده هدفك يعني يبقى هو ادى له على قده خلاص كان من عادة الاعمش انه اذا كان يحدث كان يكره ان يجلس بجانبه احد ما
حبش حد يقعد جنبه - 00:49:22

والاعمش كان اعمى فجه واحد من الغرباء ما يعرفش كل اللي قاعدين فاهمين عارفين الاعمش مش حد يقعد جنبه فقال المجلس
مليان ما لقاش حته فاضية الا جنبه تمام ما هو الحته الفاضية دايما هي جنب الامام اللي بيصل - 00:49:36

ما فيش حد قباليه ولا الكلام دوت يا اما الشيخ قاعد على الكرسي وما فيش حد جنبه. فجاء قعد جنبه حس به الاحنش يقول حدثنا
ويبيصق عليها. فلان ويبيصق عليه. طبعا الاعمش زي ما قلت لكم اعمى. طبعا كل - 00:49:53

قاعدين كلهم بيقولوا له هس لو اتحركت لو اتمللت لو قلت كلمة واحدة لأمش هيقطع التحديس هيقوم يمشي. لانه الاعمش ما كانش
يحب التقل اي تقليل ما كانش يحبه. حتى سئل مرة. قال - 00:50:17

قيل له يا ابا محمد لو انا لو كنت اصلبي وعن يساري رجل تقليل قال تكفيك تسليمة واحدة. ها يكره التقال جدا. ما يحبهمش ابدا. راح
مرة يحلق وانت عارفين الحلاقين ما بتطلوش كلام. الحلاق - 00:50:35

تمام؟ فحب يحلق. فاشترط على الحلاق ما يتكلمش لحد ما يخلص حلاق آآ حلاق له نص شعره وبعدين الداء وصل ما يقدرش فيبيقول
له يا ابا محمد حديث كذا نط من على الكرسي بنص شعره محلوق ونص تنده. وظل اياما لا يستطيع احد ان يكلمه - 00:50:59

لما يقول فلان اهو الاعمش ما يهموش حد. ليه؟ فاكهة. هو حد كان يطول يروح للاعمى؟ شف الاعمى ما ينفعش حتى يدي له بالقلم
حاجة فخمة كده الاعمش ده حاجة آآ عالية اوبي. كنت انا نزلت كلهم ائمه وكمار سفيان الثوري وشعب ابن - 00:51:26

الزهير ابن معاوية وكعب بن الجراح لا حاجة حاجة عالية قوي الاعمش يعني رحمة الله عليه فده لما بيشتند التنازل ما بيهربوش منه
ده بيرجعوا له قصة الكلب انا اعتقادكم عارفيها آآ او اغلبكم عارفها يعني - 00:51:48

ان هو من كتر ما زهقان من اهل الحديث عشان دايما رزلة كده وتقل عليه والكلام ده وشهم تخين عشان العلم عايز كده تتخن وشك
عشان تطلب علم فمش قادر يعمل لهم حاجة فربنا مكلم - 00:52:06

كل ما يقربوا من البيت بتاعه يطلق الكلب عليهم يعني تخيل بقى لما يكون شعبة من الحاجاج بيجرروا قدامكم او سفيان الثوري
بيقول قدام كلب وبعدين الكلب يدخل الدار يقوم راجعين له تاني - 00:52:23

مش خاص يهرب وتقول لك ان ربنا كلب وبتاع ما يروح غيره موجود. وكان العلماء كتير كل يوم شغالين بالنظام ده. لحد ما راحوا مرة
ورايحين طبعا بحذر الكلب بيعرضه ومربينه كلب محترم يعني. فلما اقتربوا من الدار - 00:52:36

ما فيش كلب. اختاروا النضارة ما فيش كلب. خبطوا على الباب ما فيش كلب فتح لهم الاعمش فلما سمع اصواتهم بكى قيل ما بيكيك
يا ابا محمد؟ قال مات الذي كان يأمر بالمعروف وينهى عن المنكر. قال له طب هو طالب العلم منكر؟ ها؟ كده - 00:52:56

وعادي يروحوا له مرة واتنين وتلاتة. انا اذا كنت كشيخ بقى المفروض لي نفوز بصر اكون فاهم الطلبة. ومن كتر ما انا درست لهم ومن
كتر ما اعيش في وسط الناس. وعرفت اخلاق الناس. بيبقى لي نظرة في الطالب - 00:53:15

ممك طالب اشتدع عليه وانا عارف انه مش هيمشي هيرجع لي تاني وطالب لو بس بصيت له بعين رضية يقوم ماشي على طول ما
يجيش فده ممك ان انا اؤدبه بالشدة وده ممك اتألفه بالرحمة - 00:53:33

ودي عايزه آآ واحد آآ امام عامة رجل عامة عاش في وسط الناس وعارف اخلاق الناس متى يشتند متى لا يشتند والكلام ده فيبقى
الشيخ له ادب والتلميذ ينبعي ان يكون له ادب. ايضا - 00:53:48

قصة ادب الطالب والتلميذ هنقف طبعا عندها كتيرا. لانه كما روى الخطيب البغدادي رحمه الله في كتاب الجامع آآ لاخلاق الراوي ادب
السامع اه عن بعض السلف قال علم بلا ادب نار بلا حطب - 00:54:04

ما فيش حطب يبقى فيه نار لأن ما فيش ادب يبقى فيه علم لأنما يصل العلم الى الناس بالحشمة الكاملة عشان كده ما ينفعش يكون

واحد متصرد للتدریس ويُلعب ماتش کورة - 00:54:24

مع ان عادي ماتش الكورة لما نكون بنلعب کده الصبح کده يوم جمعة ولا بتاع نشاط وحيوية وبتاع والكلام ده المفروض ايه وممكن يكون لك نية صالحة انتقى على عبادة الله وانتقى اذا جاء داعي الجهاد لنا نيات كثيرة في اللاعب کورة - 00:54:44
لكن ما ابقاشر انا بدرس وبعدين نروح نلعب ماتش کورة. التلميذ يكعبليني. قال هو يطلع ايه بقى ده ؟ وبعدين اسجل جول يقول تلميذ يقول لي يا ضاللي ده مش جون ما عدتش. الله! طب انا هاقعد له هاقعد له على الكرسي بقى ادرس له ازاي بقى ؟ ان شاء الله. لأن العلم لا يصل الا - 00:55:01

لا بحشمة كاملة اللي بيجي يتعلم منك لازم يهابك مش خوف ولا الكلام ده. لكن هيبة محبة كل المباحثات ما تدخلهاش. ان امكن ذلك. الامام البخاري رحمة الله عليه ما كان بيلاشر البيع والشراء بنفسه - 00:55:21

ابدا كان يحط واحد ولا يشتري له. ليه ؟ لأن البيع والشراء فيه ممكسة وفصل لا دي بيکذا رابطة الفجل بکام يا حاجة ؟ التلاته بجنبيه. يا شيخ خلبيهم خمسة. ده انا بجيبيهم وبغسلهم مش عارف ايه - 00:55:44

بلاش بقى الكلام ده آآ خلاص راجل مسلا اقول اطلع انا اخطب الجمعة والراجل اللي انا خدت منه وطلعت عينيه من جوة قاعد قدام وطلع بقى لحزمه ان انا بتكلم عن اخلاق المسلمين رحم الله عبدها سمحا اذا اشتري سمحا اذا اقتضى - 00:56:03
بيرق لي. الله! ده انت الشفت رشقت ريقى وخدت رابطة فجل کده اهو بكسر عيني سيف الحياة ومش عارف ايه والكلام ده لأن المفترض اذا استطعت الا تدخل في مسائل البيع والشراء - 00:56:24

وتدخل في الخصومات مع الناس افعل. تبقى حشمتک كاملة لما تقول كلمة ما تتredis. دي كلها من الايه ؟ من الاداب التي ستفق عليها ونذكر ان شاء الله كثيرا من الحکایات من تراجم بقى الايه ؟ اهل العلم. سواء كان - 00:56:41

تلميذه او كان استاذنا. القصد ان البخاري ترجمة المباشرة في الاول وبعدين قام داخل لنا في الايه ؟ في الطريقة بتاعته بقى طريقة للخفية التي تحتاج الى نوع من الدرب والممارسة. عشان کده بنقول الترجمة هنا صحيحة ام فاسدة - 00:56:56
لا ترجمة صحيحة الترجمة الفاسدة ليكون لها علاقة ما بين الترجمة وما بين النص اللي تحتنيه. دي اسمها الترجمة الفاسدة. ودي الحمد لله مش موجودة في الايه ؟ في البخاري الترجمة ده من جهة الايه ؟ الادرار - 00:57:17

ها من جهة الادرار اما ان تكون خفية او تكون ايه جلية ظاهرة طب من جهة المطابقة اما ان تكون كلية واما ان تكون جزئية كلية زي ايه ؟ زي الحديث اللي انا قلت لكم في كتاب الرقاء. باب قول النبي صلی الله علیه وسلم کن في الدنيا لأنك غريق - 00:57:34

او عابر سبيل وبعدين يورد حديث ابن عمر کن في الدنيا لأنك غريب او عابر سبيل. دي الترجمة كاملة ولا ناقصة ؟ كاملة ليترجم بنص الحديث خلاص بقى دي ترجمة اسمها كاملة - 00:58:01

وده مش كتير في البخاري. الترجمة المطابقة الكاملة قليلة في صحيح البخاري. انما الترجمة الجزئية هي الاكثر في الصحيح ان تجيب نص واترجم بفكرة واحدة من النص وتسبيب الباقي عشان کده نجيب عن السؤال. لماذا يقطع البخاري الحديث الواحد في عدة آآ كتب - 00:58:18

عشان بيأخذ جملة من الحديث الطويل يحطها في الباب. وانا الحقيقة يعني على الطاير کده هقول لكم البخاري نموذجا من آآ الصحيح البخاري اتصرف فيه ازاي ؟ اللي هي الترجمة الجزئية اللي هي اغلب اغلب صنيع البخاري في فساد المطابقة او - 00:58:49

السبب هل هي جزئية ولا كلية ؟ لأن اغلب مناسبات البخاري جزئية حديث ابي سعيد الخدري رضي الله عنه اهو في كتاب اول هو البخاري ذكر الحديث ده في اثنى عشر موضعا - 00:59:18
من صحيح اول موضع كان في كتاب الایمان دي الترجمة الجزئية يتترجم ببعض النص وليس بكله قال باب اداء الخمس من الایمان وبعدين روى حديثا قال حدثنا علي بن الجعد قال اخبرنا شعبة - 00:59:41

عن ابى جمرة طبعا ابو جمرة ده اسم نصر ابن عمران روى عن ابن عباس كثيرا وفي راوي اخر يكنى بابى حمزة بىرو عن ابن عباس
برضو يبقى انا عند ابو جمرة - 01:00:08

وابو حمزة لازم تفرق بينهم ابو جمرة الوناصر ابن عمران هو الذي يروي كثيرا عن ابن عباس انت ممكنت تلاقى في كتاب من الكتب ما
انت عارف الكتب ما عدش حد بيصح ولا بيعمل حاجة. كلها تصحيفات والله المستعان - 01:00:30
فممكنت تلاقى ابو حمزة ابى جمرة لمين ؟ لابى حمزة. ابو حمزة القصاب ده اللي هو عمران ابن ابى عطاء قليل الرواية عن ابن عباس
يعنى ليس له في الكتب الستة غير حديث واحد فقط - 01:00:49

عن ابن عباس في صحيح مسلم اللي هو لما النبي عليه الصلاة والسلام اه نادى لابن عباس فاستحبى ورا باب فقام راى هنالك وما سكه
من وداته وقال له اذهب فنادى لي معاوية. فراح لقى ايه ؟ معاوية بيأكل. قال له انا باكل - 01:01:04
بعد ما اخلص اكل هاروح فابن عباس راح برضو يلعب مع الصبيان وبتاع النبي صلى الله عليه وسلم استعوأوا. فنادى له. قال له اذهب
إلى معاوية ناده. قال له هاكل واجي. المهم ايه النبي - 01:01:26

قال لا اشبع الله بطنه. تمام ؟ ده الحديث الوحيد اللي هو في الكتب الستة اللي يبرويه ابو حمزة القصاب اللي هو عمران بن ابى عطاء
عن ابن لكن الاكثر رواية مين ؟ نصر بن عمران. اللي هو ابو جمرة - 01:01:38

قال كنت اقعد مع ابن عباس يجلسني على سريره. فقال فاقم عندي حتى اجعل لك سهما من مالي فاقمت معه شهرين ثم قال هيبيتدي
ايه بيقول الحديث ان وفد عبد القيس لما اتوا النبي صلى الله عليه وسلم قال من القوم - 01:01:54
او من الوفد قالوا ربعة قال مرحبا بال القوم او بالوفد غير خزايا ولا نداما فقالوا يا رسول الله انا لا نستطيع ان نأتيك الا في الشهر
الحرام وبيننا وبينك هذا الحي من كفار مصر. على اساس ان انت عارف الكفار كانوا بيحترموا الاشهر الحرم يعني. ما قاتلواش فيها -
01:02:23

امروا بامر فصل نخبر به من وراءنا وندخل به الجنة وسائلوه عن الاشربة فامرهم باربع ونهائهم عن اربع امرهم بالايام بالله وحده قال
اتدرون ما الايمان بالله وحده قالوا الله ورسوله اعلم - 01:02:53

قال شهادة ان لا الله الا الله وان محمدا رسول الله. واقام الصلاة وابتاء الزكاة وصيام رمضان ان تعطوا من المفمن الخمس ونهائهم عن
اربع عن الحنتمي والدباء والنمير والمزفت وربما قال المغير وقال احفظوه - 01:03:20
كن واخبروا بهن من وراءكم. ده الحديث. قلت لك البخاري حطه في انتشار ايه ؟ موضعا وممكنت بيتحط في كمان انتشار زيه خلاص
كتاب الايمان البخاري قال باب اداء الخمس من الايمان - 01:03:43

فيين مكانه في الحديث وان تؤدوا الخمس من المفمن تمام ده اللي هو الترجمة الجزئية الجزئية ترجم بعض النص على النص كله
الموضع الثاني رواه البخاري في كتاب العلم قال باب تحريض النبي صلى الله عليه وسلم وفد عبد القيس على ان يحفظوا الايمان -
01:04:03

والعلم ويخبروا من ورائهم الكلام ده ورد في الحديث ها باب ان يحفظوا الايمان والعلم طب يحفظوا الايمان ؟ ده واضح لانه قال لهم
اتدرون ما الايمان لان هم نفسهم قالوا له ايه - 01:04:33

فمنروا بامر فصل نخبر به من وراءنا وندخل به الجنة فبدأ بالايام ؟ بدأ بالايام بالله وحده تمام طبعا نقدر نقول كمان لان هو قال لهم
ايه ؟ شهادة ان لا الله واقيم الصلاة وابتاء الزكاة. ده الاسلام ولا الايمان - 01:04:55

ده الاسلام ده الاسلام اللي هي الاعمال الظاهرة يبقى الايمان يتحط مكان الاسلام ولا ادا اجتمع افترقا وان افترقا اجتمعا. زي ما
العلماء بيقولوا يبقى ان يحفظوا الايمان والعلم - 01:05:17

طب فين الدخل فين العلم هنا الاسئلة اللي هم سألوها الاسئلة اللي هم سألوها. لان هو هم قالوا له ايه ؟ مروا بامر فصل نخبر به من
وراءنا هيخبر الا اذا كان حافظ - 01:05:37

ادا كان بيسمع وينسى هيخبر بايه يبقى هو ده المقصود باب حفظ الايمان حفظ العلم يعني من الحلة دي. وبعددين رواه في كتاب

المواقيت. ده الموضع الثالث باب قوله تعالى - 01:05:54

منبيين اليه واقيموا الصلاة ولا تكونوا من المشركين المواقيت لانه قال ايه واقام الايه؟ واقام الصلاة الموضع الرابع كتاب الزكاة باب وجوب الزكاة وقوله تعالى واقيموا الصلاة واتوا الزكاة. طبعا واضحة - 01:06:12

مش كده وبعدين في كتاب فرض الخامس قال باب اداء الخامس من الدين وبعدين رواه في كتاب المناقب. قال باب نسبة اليمن الى اسماعيل ما هو من الوفد قالوا ربعة - 01:06:30

وده منسوب الى اسماعيل عليه السلام وهذا شرف طبعا انت عارف العرب كانوا يحتفوا جدا بالانساب يعني. وبعدين رواه في كتاب المغازي باب وفدي عبدالقيس. انت عارف المغازي جاء جاء نفود كثيرة الى النبي صلى الله عليه وسلم - 01:06:50

في مسائل المغازي والسرايا وروى في كتاب المغازي الحديث ده مرتين ورا بعض على طول ثم رواه في كتاب الادب باب قول الرجل مرحبا ليه؟ لان عشان مرحبا دي ما فيش حد يقول لك قل السلام عليكم - 01:07:04

ما هو اي حاجة تؤدي الغرض ممكنا السلام عليكم وعليكم السلام او مرحبا او اهلا وسهلا. اي صيغة من الصيغ اللي ممكن تقوم مقام الايه؟ مقام الترحاب بالقادم رواه في كتاب اخبار الاحاد - 01:07:26

باب وصاة النبي صلى الله عليه وسلم وفود العرب ان يبلغوا من وراءهم. طب حطوا اللي في اخبار الاحاد عشان يرد على المعتزلة والجماعة اللي بيقولوا ان اخبار الاحاد لا تقوم بها حجة في العقائد - 01:07:41

اخبار الاحادي اليون المتواتر يعني الجامع ده كله. لو روى حديثا واحدا يبقى الحديث ايه؟ متواتر يعني ان يرويه جماعة يستحيل توافقه مع الكذب. مش ممكنا كلنا على بعضنا مع اختلاف ديانتنا وامانتنا واحلاقنا ومروءتنا - 01:07:58

نقول الباب ونقول يا جماعة نفبرك حاجة كده ونطلع بها كلنا. نقول حصل كذا كذا. ازا جماعة وافقوا والثانية يقول لك يا اخي اتق الله ازاي تعمل حاجة زي كده؟ ده يخالف الدين. يعني لا يمكن كلنا نتفق على حاجة احنا مؤلفينها - 01:08:19
ده المتواتر. انما ما دون المتواتر احاد. طب انت مش عايز تقبل خبر الواحد في العقيدة دي؟ قال لك اصل العقيدة ده يقين تحتاج الى يقين وثبات والواحد ممكنا يغلط - 01:08:35

طب النبي صلى الله عليه وسلم قال اهو قال احفظوهن وابخروا بهن من وراءكم. فلو كان لا تقوم الحجة بخبر واحد ما كانش يقول لهم هذا الكلام ولا هل يتتصور ان النبي صلى الله عليه وسلم قال لهم اذا اردتم ان تذكروا خبرا لازم تجتمعوا كلهم وتقولوه - 01:08:48

ما فيش حد يقول هزا الكلام. لكن انا عندها اقول لكم يا جماعة الخير انتم لكم عدد كبير جدا. كل واحد هيروح بلده فاللي انا باقوله تروحوا تقولوه هل يشترط بقى تتلموا لكم وتروحوا كل بلد عشان تقولوه؟ ولا كل واحد في مكانه هيقول - 01:09:08
خلاص النبي صلى الله عليه وسلم قال احفظوهن وبلغوا بهن من وراءكم. فلو كان البلاغ لا يكون الا بالتوافر. ما كانش النبي صلى الله عليه وسلم قال لهم هذا الكلام - 01:09:27

يبقى عشان كده ذكروا في ايه؟ في اخبار الاحاد. اي ان خبر الواحد تقوم به الحجة حتى لو كان في العقائد. والنبي عليه الصلاة والسلام لما ارسل معاذ بن جبل - 01:09:38

الى اليمن قال له ايه؟ قال انك تأتي قوما اهل كتاب فاخبرهم بالشهادة الاول خالص شهادة ان لا الله الا الله وان محمد رسول الله. فانهم اجابوك لذلك فامرهم بالصلاه. الى اخر الحديث. طب معاذ ذهب الى اليمن وقال لهم كده - 01:09:48

انا رسول الله اليكم. بقول لكم اسلموا بان تقولوا لا الله الا الله محمد رسول الله. قالوا له لا محنash مسلمين يبقو كفرة ولا مش كفرة ازاي تكفرهم وواحد بس اللي قال لهم - 01:10:18

اليس من الجائز ان يخطئ اهو اول حاجة قال لهم الایمان والاسلام عقيدة اهي قبل ما يدخل في تفصيلات الاسلام. اقامة الصلاة وابتلاء الزكاة والكلام ده فلو كانت الحجة لا تقوم بخبر واحد كيف يرسل النبي صلى الله عليه وسلم معاذ ليقيم الحجة عليهم والحجـة - 01:10:40

لا تقوم بخبر واحد. مش ده اتهام للنبي عليه الصلاة والسلام؟ نعم بعد كده ارسل ابا موسى الاشعري وراه اهم اتنين خبر واحد برضو ولو لم يسلموا ولو لم يستجيبوا لكافروا. ازاي بقى نكفرهم بقبر واحد؟ الا اذا كانت الحجة تقوم بخبره - [01:11:04](#)

عشان كده البخاري رحمة الله عليه عقد كتابا كاملا سماه كتاب اخبار الاحاد ليرد بها على هؤلاء الذين ارادوا ان يفسدوا عقائدهنا باسقاط معظم النصوص وهي احاد في باب الايه؟ في باب الاعتقاد - [01:11:23](#)

وفي الاخر خالص في كتاب التوحيد الموضع اللاتناشر في كتاب التوحيد. قال باب والله خلقكم وما تعملون. وان كل شيء خلقناه بقدر ويقال للمصوريين احیوا ما خلقتم. ادي حديث واحد اهو البخاري وضعه في اتنى عشر موضع من صحيحه. دي اسمها من جهة المطابقة الترجمة الجزئية - [01:11:39](#)

عشان كده لماذا قطع البخاري الحديث الواحد الى آآ فقرات لانه بيتعين الفقه الذي فيها. يبقى الترجمة من جهة صح ترجمة يعني اما ان تكون من جهة الادراك والادراك يعني يا خفي. يا زاهر - [01:12:04](#)

او من جهة المطابقة او المناسبة اما ان تكون كلية او ايه او ان تكون ترجمة جزئية آآ المرة القادمة ان شاء الله يوم الجمعة. طبعا احنا آآ غبنا تلات اسابيع - [01:12:27](#)

يعني لم آآ نقيم الدرس بسبب ان كان فيه اصلاحات في المسجد في الارضية بتاعة المسجد نفسها. فما كناش نقدر نفرش لكن ان شاء الله يعني آآ استأنفت من الدرس وبازن الله الكريم من اول آآ الدرس القاوم ان عشنا يعني. آآ - [01:12:41](#)

ساذكر طريقتني في الشرح انا ساسلك في الشرح سبعة محاور. كل محور من هذه المحاور ساسلط عليه ضوء بحيس ان احنا ايه يعني تكون على بينة من امر. قبل ان انصرف آآ من هذا المكان. احنا دلوقتي عايزين - [01:13:01](#)

الاخوة يهموا معنا في اصلاح المسجد. يعني احنا دلوقتي المسجد بالورقة والقلم امبراح واحنا بنشوف احنا محتاجين ايه في المسجد محتاجين متين وتلاتين الف جنيه. عشان نعمل المسجد بطريقة صحيحة لان كان قبل كده لا كان فيه تسجيلات ولا كان فيه كاميرات ولا الكلام ده - [01:13:24](#)

ولا غرف تحكم عشان خاطر تسجيل الدرس تسجيلا صحيحا. احنا وصلنا تقربيا آآ صرفنا في حدود تمانين الف ادي ستين واحد وستين الف لحد دلوقتي. نعم. عايز بقى يا اخوانا يعني لهم وكل امرئ في ظل صدقته يوم القيمة - [01:13:47](#)

عايزين يعني نظهر لان احنا هنا في المحافظة عندنا بكل اسف ليس عندنا ثقافة الصدقة ولا ثقافة التبرع. فارجو يعني نحن نهتم بهذا الامر. اقول قولي هذا واستغفر الله لي ولكم - [01:14:07](#)